

Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Antidotorvm Evangelicorvm D. Thomæ Stapletoni, S. Theol. Doctoris, & in
Academica Louaniensi S. Script. Professoris Regij, Pars Altera - In
Sacrosanctum Euangeliū secundūm Ioannem

Stapleton, Thomas

Lvgdvni, 1595

Cap. 8.

urn:nbn:de:hbz:466:1-39480

Quod igitur Principes & Pharisæi non crediderunt in Christum, & quod horum autoritate turbam credentem prægauare ipsi Pharisæi voluerint, non est argumentum contra Prælectorum Ecclesiæ Christianæ autoritatem ad finem usque seculi permansuram; sed est documentum ruitur Synagogæ, totiusque status eius, ut plenitudo Gentium intraret, Deique vinea aliis locetur agricolis. Scimus huiusmodi cauillationes Caluinianas, tametsi absurdissimas, plurimum palato placere, & quasi deserta Ecclesiæ Catholicæ fundamentum firmum à plurimis auidissimè retineri. Quam ob causam in illis semel refutandis aliquam hic operam ponere volui.

IN IOANNIS CAP. VIII.

7. *Qui sine peccato est vestrum, primus in eam lapidem mittat.*

MNES hodie hæreticorum & libri & ad populum conciones, cleri Catholicæ, maximèque Rom. Pontificum vitia & flagitia crepant. Quod vt alibi quavis data occasione impurus Caluinus facit, ita nec in hæc Christi verba temperare sibi potuit, quia In cōment. tandem suam impetiginem proderet. Notanda (inquit) cōstantia est qua hic exprimitur, ut quisque eorum honore alios antecedebat, reatu suo citius iactum fuisse. Audientes quippe quod Christus dixerat: *Qui sine peccato est vestrum, primus in eam lapidem mittat, vnu post alium exhibant, incipiendo a senioribus.* Atque utinam saltem in Scribis nostris, qui hodie suam operam ad Christum oppugnandum (id est, ad Caluinum, & alios eius farinæ homines, horum temporum hæreticos refutandos) Papæ venditant (id est, Ecclesiæ Dei conferunt, quorum maxima pars Papam non vidit unquam, nec aliquod ab eo beneficium vel accepit, vel expectauit) tantum esse ut recundie. Sed adeò ipsos depuduit, ut flagitijs omnibus infames eo ipso glorientur quod probrosis impunè esse liceat. Hæc hoc loco Caluinus, non S. scripturarum interpretem, sed veteri comœdiæ scurraram agens. Eadem modestia in sua Institutione usus, de toto ordine Ecclesiastico scribit. Nihil hodi fingi potest hoc ordine magis effrene ac dissolutum, ac èo lisentia prorupit, ut totus orbis vociferetur. Cæterū qui non in vnum hominem, sed in totum ordinem Ecclesiasticum nō lapidem mit-

Lib. 4 .ca.
12. nu 22.

mittit, sed tam ingentia saxa deuoluit, an ille sine peccato est? an ita castus & purus ut nullo incontinentiae virtio tactus fuerit? Inspiciantur etiam adhuc hodie ciuitatis Nouiodunensis in Picardia scrinia & rerum gestarum monumenta. In illis adhuc hodie legitur, Ioannem hunc Caluinum Sodomiae conuictum, ex Episcopi & Magistratus indulgentia solo stigmate in tergo notatum, illa virbe excessisse, ac Genueam profugisse. Nec eius familiæ honestissimi viri adhuc superstites impetrare haec tenus potuerunt, ut huius facti memoria, quæ toti familiæ notam aliquam inurit, è ciuicis illis monumentis ac scriniis eraderetur. Sed & quum Genevæ dominaretur Caluinus, (adèò sanè ut aliquot annis vrbis claves penes illum essent,) Adonidem quoque suum eum habuisse, & occultis libidinibus operam dedit, testatur pueri ex domo Caluini fuga, tota argentea Caluini supellectile onusti, quem nec ex fuga retrahere, nec vlo modo inuestigare Caluinus voluit, ut in eius vita scribit Bolsecus. Vbi & alia Bolsecus
de vita huiusmodi commemorantur impuri huius & improbi Caluini. bulonis insignia stratagemata. Quæ ut apud illum Lector inquit malo, quam nostras chartas talium turpitudinum commemoratione feedare. De Theodoro Beza, qui Caluino successit, & in totum clerum Catholicum persæpe debacchatur, multos & magnos in eum lapides mittens, atque incontinentiae redarguens, vnicum ipsius Bezae de sua turpitudine præconium subiiciam. Est quippe in tanto Hæresiarcha affectatæ turpitudinis sempiternum testimonium. Sic suos amores decantauit.

THEODORVS BEZA DE SVA IN
Candidam & Audebertum benivolentia.

Abeft Candida, Bez a quid morariss?
Audebertus abeft, quid hic moraris?
Tenent Parisij tuos amores,
Habent Aurelij tuos lepores,
Et tu Vezelijs manere pergis,
Procul Candidulaque, amorib[us]que,
Et leporibus, Audebertuloque?
Immò Vezelij procul valete,
Et vale pater, & valete fratres,
Namque Vezelijs carere possum,
Et carere parente, & his & illis,
At non Candidula, Audebertuloque.

h

Sed utrum rogo preferam duorum?
Vtrum inuisere me decet priorem?

An quenquam tibi, Candida, anteponam?
An quenquam anteferam tibi, Audebertus?
Quid si me in geminas secem ipse partes,
Harum ut altera Candidam reuisat,
Curat altera versus Audebertum?

At est Candida sic auara, neuit,
Vt totum cupiat tenere Beza,
Sic Beza est cupidus sui Audebertus.
Beza ut gestat integro potiri:
Amplexor quoque sic & hunc, & illam,
Vt totus cupiam videre utrumque,
Integrisque frui integer duobus.
Preferre attamen alterum necesse est,
O duram nimium necessitatem!

Sed postquam tamen alterum necesse est,
Priores tibi defero, Audebertus:
Quod si Candida forte conqueratur,
Quid tum? basiolo tacebit uno.

Quid hoc nefario homine aut impudentius aut impudicus? Audet tamen & ille omnes qui cælibatum vouent, infamis incontinentia arguere. Nullum (inquit) est tam horridum libidinis genus, quo non sese mutuo polluant, qui voto continentia sese astrinxerunt. Hæc ille. Impuissimus nebulo suam scabiem aliis affricat, &c, vt alter Nero, neminem putat casti viuere, quum sit ipse libidinosissimus: quod præter infame carmen superius positum, aliis adhuc suis elegiis obscenissimis de sua Publia & Candida toti orbi testatum voluit. Meminisse debuit hincus iste & penitulus nequam huius Euageli documentum: Qui vestrum sine peccato est, primus in eam lapidem mittat. Iam verò non viius aut alterius Magistri, sed totius in Anglia nunc Ministerij quanta sit turpitudo, quam fœda & procax incontinentia, tametsi coniugibus copulentur Ministri (quorum cōciones in veteris cleri & Curia Romana reprobatione vt plurimū totæ versantur) ex eorum numero quidam edito libello euulgauit, & vernaculo sermone scribens, prælatura Anglicana maculatorum sese inscribit. Maximas quippe & turpissimas illi maculas inspergit, factarum species ita enumerans, loca & personas ita designans, vt nihil esse illo Anticlero & coniugato Ministerio fœdus aut impurius demonstraret: siue incontinentiam, siue auaritiam & rapam.

Confess.
fid. cap. 5.
scit. 39.

Fleg. 3.
¶ 4.

*Martin
Marpre
lat.*

& tapinas, sive omne immanitatis genus species.

Sed nihil à veterum hæreticorum more atque vsu Caluinus & Beza faciunt, qui omnium imperissimi quum essent, Ecclesiæ semper Catholice Episcopis ac Presbyteris incōnscientiae crimen impingere modis omnibus studuerunt. Apud Victorem Uticensem Episcopum in Vandalice persecutionis historia legimus, Vandalos illos Arianos correptis sanctimo-

Hæretico-
rum veter-
um praxiu-
ad Clerum
Catholicum
dissaman-
dam.

nialibus, & sacris omnibus in vnum congregatis virginibus, postquam eas cremantes graui suspendio atque ingentia ponde- De perse-
ra pedibus colligantes, laminas ferrit ignitas dorso, ventri, mam- cut. Van-
millis, & lateribus apposuerint, inter tortura illis dixisse. Dicite

De perse-
cut. Van-
dal.lib.2.

quomodo Episcopi vestri vobis concubunt, & Clerici vestri. Qua tamen quum sicerent, nihil inuestigari potuit unde Christi Ecclesia macularetur. Hæc ibi Athanasius, maximus & potentissimus Arianostrum Antagonista, inter cæteras calumnias quas illi grauissimas machinabantur Ariani, etiam hæc vna erat, mulierem à se muneribus corruptam, ut suam cum ipsa libidinem expleret: noctuque præterea inuitam compressisse.

Sozomen.
lib.2.c.24.

Sed ubi mulier coram Episcopis Ariani in iudicium vocaris haec obijceret, Timotheus presbyter Alexandrinus qui astabat Athanasio (sic enim inter eos claram contenerat) ita affatur multiter: Egóne te per vim compressi? Tum illa, An non tu, quo, inquit tempusque, & locum in quo compressa fuerat, ostendit. Sic ridicula calumniæque plena deprehensa accusatio est. Similibus calumniis multi sancti Episcopi à veritatis hostibus vexati sunt, Chrysostomus, Panissius, Brixius, ut in eorum vitis apud Surium videte est. Nec moderna deflunt exempla, sive quæ Hugonotica rabies in Gallia patravit, sive quæ Anglicana iam 30. & amplius annorum persecutio contra Catholicos machinata est, in memoriam reuocentur.

Iam vero quid Calvinus in mentem venerit ut hoc in loco Catholice Ecclesiæ theologiis impingeret adulterij impunitatem, ne ipsos quidem Calvinistas aut scire aut coniicere posse arbitror. Sic enim scribit. Hoc Papalis est theologia, Christum sum hoc loco legem gratia attulisse, qua detur adulterii impunitas. At quis vel idiota vel simplicissima anus in Ecclesia Catholica Romana nescit, adulterium grauissimis poenis tam Ecclesiasticis quam humanis puniri? Eadem impudentia dicere potuisset, iuxta Papalem theogiam, Christum gratiæ legem attulisse, qua totius decalogi transgressoribus impunitas detur. Sed videamus an theologia Calviniana hoc na theologum non doceat. Si enim nullis legibus nec humanis nec gratia quod

Calvini
putida ca-
lunia in
caput suum
redundans.

lex gratia adulterii impunitatem dedit. diuinis Christianos in conscientia obstringi, libertas Euangelica paritur; si ideo sumus sub gratia, non sub lege, quia legis rigori, quæ transgressores acerbè punit, obnoxij non sumus, sed sub gratia quæ nos à lege manumittit; si mandatorum Dei obleruatio (inter quæ eit, Non mæchaberis) ad oblevandum impossibilis eft; quæ omnia Caluinus & Caluinilla omnes constantissimè docent; ad quæ autem non astringuntur, quarum legum rigori obnoxij non sumus, quæ precepta seruare non possumus, eorum haud dubiè transgredimus non meretur: an nō luce meridiana clarius eft, Calvinianam theologiam esse, quod Christus legem gratia attulerit, qua detur adulteris impunitas? Dicit quidem hoc loco Caluinus, *Nos tenemus sic remitti à Christo hominibus peccata, ut politici tamen ordinē non subvertat iudicia & pars legibus constitutas non aboleat.* Atqui impunitatem adulterii hoc non adimit, quando adulteria occulta sunt, & pollio magistratui incognita, qualia haud dubiè pleraque & multa ex parte sunt. Ergo ex ipsa Caluini confessione, cum Deo & in occulta scortatione datur adulteris impunitas. Ceterum igitur & perspicuum eft, non Papalem sed Calvinianam theologiam esse, quod Christus legem gratia attulit, qua detur adulteris impunitas. Ita (vt dixit) quid Caluino in memorem venerit ut tam fœdam & infamem doctrinam Ecclesiæ Catholice impingeret, quæ ex ipsis propriæ doctrina principiis necessariò consequitur, nullum arbitror Calvinum concicere posse: nisi quod iusto Dei iudicio cœcitate mea percussus, ea contra Christi sponsam expuerit, unde sua ipsius curpitudinem propalandi iustâ aliis occasionem dare.

Illud postremò in hoc Euangeliò animaduersione agnum est, circa totius huius historiæ veritatem canonicas duo præcipua Caluinistarum capita penitus dissentit. Calvinus euim ita in hunc locum scribit. *Satis constat historiam de assuam esse. Sed quia semper à Latinis Ecclesiis recepta fuit.* Et in plurimis veteris Græcorum codicibus reperitur. *Et in Apostolico spiritu indignum continent, non est cur eam in vestrum accommodare recusemus.* Ab altera parte Beza suspectum eft, quod veteres Græci vel reiecerunt vel ignorarunt. Deinde quod narrat Iesum solum fuisse relatum cum muliere in templo, nescio quam sit probabile: (Ex eadem postera suspicione totam Christi cum muliere Samariensi)

Iean. 4.

apud puteum disceptationem, vbi solus cum sola agebat, homo impius improbatum quoque poterit afferere) & quod scribit Iesum dixi scripsisse in terra, nouum mihi & insolens videtur, nec possum coniscere quomodo possit commodè explicari: (explicauit tamen ipse Caluinus satis commodè) tanta denique lectio[n]is varietas facit ut de rotius istius narrationis fide dubitem. Hæc illa bestia. Sed postrema conjectura quam adfert, multas alias Euangelicæ historiæ partes, quas duo aut tres Euangelistæ aliter atque aliter referunt, in dubium quoque vocabit: verbi gratia, rotum sermonem Domini, in monte, ut apud Matthæum videtur, vel in loco Matth. 4^o campestri, ut Lucas narrat, aliis quoque atque aliis verbis habet. Item de Centurionis pueri sanato, quem ad Christum accessisse Matthæus, non venisse, sed alios misisse Lucas narrat. Ipsam denique resurrectionis Dominicæ historiam quoad ipsum quo surrexit tempus, & varias primi dici apparitiones, in quibus varia videntur dicere Euangelistæ: & alias adhuc partes quam plurimas, in quibus tanta varietas & apparet dissonantia est, ut S. Augustinus duos libros integros de consensu Euangelistarum scriperit, & alij multi Scriptores in Concordia Euangelica concinnanda plurimum & piè sudauerint. Sed hæc est hæretorum hodie petulan- Hæretico-
rum hodie
rum hodie
petulatias
tia, ut multorum iam seculorum fide firmata, pro suo cuius- que cerebro etiam circa ipsas diuinæ Scripturæ partes, in dubium de novo reuocare audeant. Admittit Caluinus: reprobatur Beza. Cui ita? Quia pro suo libito uterque decernere, neuter Ecclesiæ docenti aurem præbere vult. Docet hoc exemplum, quam sit detestanda Nouatorum hodie petulans arrogantia.

36. Si Filius vos liberauerit, vere liberi eritis.

QVæ sit ista humani generis liberatio Christo propria, quam h̄c iterum atque iterum inculcat Christus, recte & orthodoxe tenere operæ pretium est. Liberatio ista sive Liberatas libertas per Christum nobis data, erat triplex; prout seruitus per Christum data triplex.
qua partim Iudæi partim ceteri mortales omnes tenebantur, triplex erat. Vna etat seruitus legalis Iudæis propria, qui in statu seruorum sub legalibus ceremonijs & timore seruili vinebant, tanquam veteris testamenti filij, magis ex timore quam ex amore legem seruantes, id est non vere eam seruantes, quamquam hoc posterius nec solis Iudæis propria

erat, sed omnibus veteris testamenti filiis, & iuxta veterem hominem adhuc viuentibus; nec in omnibus Iudeis locum habebat, sed carnalibus tantum. Hanc utramque Paulus docuit ad Galat. 4 & ad Rom. 8. Altera seruitus peccati est, qua homo suis cupiditatibus & instigatori Dæmoni seruit. Rom. 6. Serui fuisse peccati. Tertia seruitus corruptionis penalitatis est, cui corpora etiam iustorum in hac vita subiiciuntur. Romanorum octauo. *Creatura liberabitur à seruitute corruptionis, &c.* Ab his tribus Christus omnes in ipsum credentes liberavit. A prima ponens nos in statu filiorum adoptionis, quod legalia; ad Gal. 4. Non sumus ancilla filij, sed liberae: quod servilem timorem; ad Rom. 8. Accepimus spiritum adoptionis filiorum Dei, in quo clamamus, *Abba Pater.* A secunda patim per remissionem peccatorum gratuitam, partim per gratias suæ auxilia & dona, sine per spiritum regenerationis. Rom. 6. Liberati à peccato, servi facti estis iustitia. Peccatum vni non dominabitur, quia non estis sub lege, sed sub gratia Rom. 6. Ut sicut peccatum regnauit per mortem, ita & gratia regnat per iustitiam in vitam eternam. De hac potissimum loquitur Christus, ut exponit Augustinus. Verba eius paulò post proficeremus. A tertia. Romanorum octauo. *Liberabitur à seruitute corruptionis, scilicet in altera vita.*

Caluini corruptela. Impius Caluinus hanc totam liberationem per Christum factam in una & sola fide ponit, qua Christum in Euangeli cum suis promissionibus de gratuita remissione peccatorum, & cum donis iustitiae ac sanctitatis illi inhærentibus, apprehendimus & amplectimur. Sed ita hoc docet, ut facile Lectorum nisi valde attentum fallat. Quædam enim vera pizzmittit, ut postea incautum opprimat. Primum ad illa verba, *Veritas liberabit vos, v. 32.* Tenendum (inquit) est, qualis libertas à Christo notetur. Optimè sanè, & ut bonum interpetem oportuit. Audiamus quæ illa sit. Nempe (inquit) quæ nos à Satana, peccati, & mortis tyrannide manumittit. Rectè etiam ista dicuntur, tametsi non plenè. Sed videamus cetera. Quod si eam consequimur Euangeli beneficio, hinc constat peccatorum omnes natura seruos esse. Transeat interim ista propositio, donec, quid illa velit, magis nobis aperiat. Alioqui quem vos Euangeli latissime pateat, in aliquo sensu vera esse potest. Porro (inquit) simul tenendum est liberationis modus. Hic ergo aliquid expressius dicet. Audiamus. Quamdiu enim (inquit) sensu ac ingenio nostro regnatur, peccato sumus mancipati. Quum autem nos Dominus suo Spiritu regenerat, simul liberatur.

efficit, ut misericordia Satanae laqueis soluti, sponte iustitiae obediamus. Videbitur hic fortasse aliquibus sanam & orthodoxam doctrinam tradere: sed fallit imperitos. Ponit libertatem per Spiritum regenerationis effectam, in eo, ut sponte iustitiae obediamus. Quum dicit sponte, tollit obedientiae mandatorum Dei necessariam obligationem, de qua Paulus dixit, *Liberati a peccato (supple per Spiritum regenerationis) servi facili estis iustitia.* Iterum quū dicit sponte, negat liberam electionem in operibus iustitiae. Quare quod dicit nos *Satana laqueis solutos*, non veram solutionem intelligit, quoad peccatum, ad quod Satanus instigat, sed imaginariam solutionem Latens Calvini venum apōritur. de non imputato peccato, quod regenerati semper & necessariò perpetrant; in quos diabolus tametsi peccantes potestatem nullam habet, quia fidem Christum tenent. Hæc eius impia doctrina ex sequentibus magis eluceat. Sic enim prosequitur. *Atqui ex fide regenerationis: unde apparet ex Euangelio esse libertatem. Hic sua cornua non nihil exerit. Ex fide (inquit) fit regenerationis, & hanc ex Euangelica prædicatione concipi mus, ergo ex Euangelio est nostra libertas.* Tota ergo hominis resolutio est, credentes qui audito Euangelio de Christi promissionibus, beneficiis, ac donis iustitiae, quibus ipse plenus erat, hæc omnia sibi fide applicant, & Spiritum sanctificationis, qui in Christo abundabat, simul quoque apprehendunt, illos libertatem in Christo esse consequutos, & hoc esse in illis Spiritum regenerationis, ut non amplius sub diaboli potestate aut dominio positi, sponte iam obedientiæ, si id libuerit; obedire non teneantur, nisi libuerit. Sed sequentia adhuc in eo verba hoc latens venenum clarius in lucem educent. *Eant nunc (inquit) Papista, & liberum arbitrium fastuosè extollant: nos autem seruitutis propria consej, non nisi Christo liberatore gloriemur.* Ecce apertis verbis liberiaribitrii facultatem ad bene iusteque operandum à Christo dari negat. Nos (inquit) seruitutis propria consej, id est, nos iam fide ex Euangelio regenerati (quis enim dubitat eorum se numero Calvini astumasse quum hæc scriberet?) seruitutis propria consej, id est, adhuc in seruitute peccati manentes, non nisi Christo liberatore gloriemur, quatenus videlicet fide illum in Euangelio apprehendimus, ut nobis imputetur quicquid in illo est. Dicit se Christo liberatore gloriari, & tamen liberum arbitrium ad bene iusteque viendum fastuosè & indignabundus reicit (Eant nūc Papista, &c.) similique se propria seruitutis adhuc conscientium esse profiteretur. Gloriatur igitur in liberatore imagi-

^{liberato-}
^{rem esse}

*Christum
Caluinus
negat.*

nario, non vero: immo verbo gloriatur, re ipsa negat verum liberatorem Christum esse. Non enim aliter liberatorem Christum agnoscit, nisi quatenus fide cum apprehendit, omnia quae ipse habet nobis imputantem, sed nihil re vera & actu largientem. Hanc ob causam ad sequentia adhuc statim subiungit. Nam & hoc nomine Euangelium quasi manumissionis vindicta censeri debet, quod nos Christo offert ac tradit a peccati iugo liberandos. Et paulo post ad alia adhuc sequentia Christi verba, Si Filius vos liberauerit, verè liberi eritis, ita scribit. Quod natura Filius proprium habet, nobis adoptione communicat, dum fide inserimur in eius corpus, ac efficiuntur in membra. Ita memoria repetendum est quod prius dixi, nos Euangelij vindicta ab eo manumitti. Christi ergo beneficium est libertas nostra: sed eam fide consequimur: qua etiam facit ut nos Christus Spiritu suo regeneret. Haec ille, Impiam suam dominam utcumque in lucem eduxit. Christi beneficium est libertas nostra, quam fide consequimur, ut sic Euangelium (quatenus, dum praedicatur & creditur, nos Christo offert a peccati iugo, id est, a poena & imputatione peccati liberandos,) nostræ manumissionis seu libertatis vindicta censeri debeat: id est, modus ac ratio qua in libertate afferimur. Tota haec prophana oratio nihil aliud docet, quam totam nostram libertatem, qua Christus nos liberauit, ipsummet esse Christum nobis in Euangilio oblatum, & fide apprehensum. Manemus nos quales eramus, proprie seruitutis conscientia, peccatores & impij, nec legem implere nec mandata seruare possumus; sed in Christo manumittimus per fidem inserti in corpus eius, cum que totum fide complectentes ac certissime tenentes. Haec imaginaria, falsa, & impia Caluiniana libertas est, quam nulla Scriptura docet. Nos fide regenerari, nos fide libertatem consequi, nos per Euangelium Christo offerri ac tradi, denique Euangelium esse manumissionis nostræ vindictam, prophana sunt Caluini voces in nulla scriptura positæ, ab Ecclesia Christi haec tenus inauditæ: denique mādata & traditiones hominū. Qua libertate Christus nos liberauerit, iam ex Scripturis nos ostendimus: quibus conformiter S. Augustinus scribit. Natura humana diuina indiget gratia, dicente Domino, Epist. Pe- lag. lib. 1. Filius vos liberauerit, tunc verè liberi eritis, utique liberat cap. 2. bene iustique vivendum: quod multis postea verbis prolegitur. Rursum alio in loco. Arbitrium voluntatis tunc est veritatem. De Cuiuslib. 14 berum, cum vitiis peccatisque non seruit. Tale datum est à Deo cap. II. quod amissum proprio viro, nisi a quo dari potuit, reddi non posse.

test. Vnde veritas dicit: Si vos Filius liberauerit, verè liberi eritis. Hæc ille. Eat nunc Caluinus, & liberum arbitrium ad bene iustéque viuendum in iis qui per Christum regenerantur ac liberantur, non contra Papistas, sed contra doctissimum Augustinum, diuinæ gratiæ assertorem maximum, fastuosè reiiciat. Sanè homo impius ita Christi verba deprauavit, ut eum esse verum liberatorem (quod verba clarissimè dicunt) astutè & vafre negauerit.

39. *Si filij Abrahæ estis, opera Abrahæ facite.*

Docet hic locus non secus necessariam esse operū Abrahæ imitationem, ut filius Abrahæ, & amicitiæ fœdere Deo coniunctus aliquis dicitur, quam est necessaria fidei, quæ in Abraha fuit, imitatio, quam ad Rom. 4. Apostolus contra Iudæos needum in Christum credentes urgebat. Probat enim hic Christus, Iudæos non esse filios Abrahæ, sed filios diaboli, quia non opera Abrahæ faciunt, sed opera diaboli; sicut Apostolus probat, Iudæos non esse filios Abrahæ, quatenus ex circuncisione sunt, sed quatenus sectantur vestigia fidei quæ fuit in Abraham. Non secus ergo ad bonorum operum necessitatem hæc Christi doctrina valere debet, quam ad fiduciæ necessitatem Pauli doctrina valet. Caluinus hoc in loco reluctatur ut potest aliquantulum, tandem tamen vi veritatis virtutis, veritatem inuitus prædicat. Christus (inquit) de origine carnali non disputat, sed tantum inter Abrahæ filios coram Deo censerine negat qui fide non retinet gratiam adoptionis. Nam quum Dominus Abrahæ semini pollicitus esset se fore in Deum, increduli omnes, hac promissione abiecta, se abdicabant ex genere Abrahæ. Ecce vellet hic Christum disputare de fide & de semine Abrahæ per fidem, quum Christus hoc loco disertissimè loquatur de semine Abrahæ per opera bona. Nō enim de iis qui fide adoptionis gratiam non retinent, sed de iis qui opera Abrahæ non imitando nec faciendo eam gratiam reiiciunt, loquitur: nec denique soli increduli abdicant se ex genere Abrahæ, abiecta promissione semini Abrahæ facta; sed impii, legis transgressores, malevoli, & persecutores iustorum, quales isti Iudæi erant, quos Christus hic alloquitur, abdicant se prius ex genere Abrahæ, abiecta promissione semini Abrahæ facta. Hactenus ergo reluctatus est Caluinus apertæ veritati, & lectoris animum alio abducere totis viribus conatur. Loci tamen evidencia cum pungente, hæc verba sub-

iunxit. Status ergo questionis est, an reputandi sint Abrahæ filii qui oblatam sibi in verbo benedictionem abijciant, ut nihilominus sint gens sancta, peculium Dei, & regale sacerdotium. De abiecta benedictione in verbo oblata, nulla h̄ic quæstio est, nec de ea Christus loquitur: & aliud hoc est Caluini somniū, quod illi needum expergefacto toties recurrit, de quo alio

In Prompt. Cathol. Inquit) negat Christus & merito: quia Spiritu renasci oportet qui par. Qua- filii sunt promissionis: & nouas esse creaturas quicunque locum drages fer. appetunt in regno Dei. Vide quām ægrè aliquid tandem p̄ter fidem à Christo requiri fateatur, & bonorum operum necessitatem non quidem apertis verbis, inuolutè tamen & co-

sequenter in verbo nouae creature agnoscat. Noua enim crea- turæ, & fides per dilectionem operans, synonyma sunt apud Paulum ad Gal. c. 5. 6. & cap. 6. 15. Si ergo nouas creaturas esse oportet qui filii promissionis esse volunt, & locum in regno Dei appetunt, profectò sola fides non facit filium promissionis, nec dat ei locum in regno Dei, id est, corā Deo iustum aut Dei filium noa facit, sed illa demum fides hoc tam præstat quæ per charitatem operatur atque perficitur, vt possit iustificare, futura ad iustificationem proorsus inanis & inutilis, nisi charitas veluti forma & perfectio eius accedit. Et valet hoc plurimum quod subiungit hoc loco Caluinus. Ne erat quidem inutile ac nullius momenti carnale Abrahæ genitū, si quidem accederet veritas. Residet enim Dei electio in semine Abrahe: sed libera, ut heredes vitæ reputentur, quos Deus Spiritu suo sanctificat. Eodem quippe modo residet Dei elec- tio in semine Abrahæ spirituali, in iis qui imitantur religia fidei patris sui Abrahæ, qui credunt Christum resurrexisse à mortuis ad iustificationem nostram, sicut ille credidit corpus suum emortuum posse ad generationem reuirescens in quo uno articulo imitationem fidei Abrahæ signanter por- nit Apostolus. Sed hæc Dei electio in credentibus residens libera est, ut heredes vitæ reputentur, non qui credunt tan- tum, fidéque promissiones gratuitas apprehendunt, sed quia Deus Spiritu suo sanctificat, vt facti noua creature, opera Abu- hæ faciant sicut fidem imitantur, ac sic demum filii Abrahæ reputentur. Et hæc est tota ac plena Christi hoc loco sententia, qua bonorum operum ad salutem necessicas efficacias probavit, & sola fides salvificans per spiculē euctiuit.

Rom. 4.

*Operū bo-
norum n̄
cessitatis.*

39. Pater noster Abraham est. Nos ex fornicatione
non sumus nati.

41. Vnum patrem habemus Deum.

Occasione accepta ex illis Christi verbis, *Si vos manseritis in sermone meo, verè discipuli mei eritis, & cognoscetis veritatem, & veritas liberabit vos, quæ verba quibusdam Iudæorum in eum creditibus dixerat; alij increduli & inflati Iudæi, responderunt ei; Semen Abraham sumus, nomini seruiimus unquam, quomodo tu dicis: Liberi eritis? id est, quomodo tu loqueris de vindicando nos in aliquam libertatem? non intelligentes Christum loqui de libertate alia longè meliori, quæ esset à seruitute peccati, ut supra contra Calvinum ostendimus. Christus igitur volens eos in meliorem viam reducere, & de qua libertate loqueretur, plenius docere, ait, *eum qui facit peccatum, seruum esse peccati, seruum autem manere quidem in domo ad tempus, siue ciuiliter seruum intelligas, qui domino suo in eadem domo cum filiis familias ad tempus seruit, siue seruum spiritualiter & peccatorem, qui ad tempus in Ecclesia Dei cum iustis & filiis Dei Sacra menta participat, sed non in æternum, filium autem manere in æternum & esse hæredem: mōxque infert, Si ergo vos Filius liberauerit, verè liberi eritis: liberationem illis quandam adhuc necessariam esse demonstrans. Illi in sua arrogantia impiaque & vania iactantia persistentes, Responderunt & dixerunt ei, id est, ut suam nequitiam regerent, audacter & insolenter dixerunt, Pater noster Abraham est, iustus videlicet ac sanctus vir & amicus Dei appellatus. Hanc eorum vanam ostentationem Christus repressit, dicens: *Si filij Abrahæ estis, opera Abrahæ facite: & rursum, Vos queritis me interficere: hoc Abraham non fecit: & adhuc semel, Vos opera patris vestri facitis, in omnibus his verbis id vnum docens, eos idcirco de patre suo Abraham inaniter iactare, quia tam sanctum ac iustum patrem minimè imitarentur. Quumque adhuc semel in vana sua iactatione persisterent, dicentes: Nos ex fornicatione non sumus nati, id est, non sumus idololatræ, nec deos falsos sequimur; Vnum patrem habemus Deum, vnum & verum Deum colimus; nec ex carnali solum generatione, sed & ex fidei puritate liberi homines sumus; eodem ferè rursus sermone & ex vita imputitate vanam eorum iactantiam reprimit: Si Deus pater vester esset, diligenteris utique me, quasi diceret: Non satis est credere in Deum, ut filij Dei sitis, sed etiam diligere Deum opor***

oportet, & quemcunque mittit ille, maximè filium Dei naturalem. Ego enim ex Deo processi & veni. Et paulò post, apertissima voce nequitiam cordis eorum patefaciens, ait: *Vos patre diabolo estis, & desideria patris vestri vultis facere.* In planum ac perspicuum sit, iactantiam Iudæorum quod Abrahām patrem haberent, nec ex fornicatione essent, sed vnum Deum cum patribus suis colerent, hoc solo nomine à Christo reiectam fuisse, quod patris sui bona opera nō facerent, quod occidendi eum voluntatem haberent, quod Deum non diligenterent, quod desideria diaboli ficerent, denique quod homines impij, odio & malevolentia pleni essent.

Vide nunc ut hoc totum inuertit, & ad Catholicorum reprehensionem, deprauata Scriptura, impiè cōuertit Calvini. Similem esse vult unitatis Catholicæ & successionis Ecclesiasticæ contra nouellos hæreticos atque schismaticos iustificam exceptionem, quæ fuit hoc loco Iudæorum de patre suo Abraham vana iactantia; vt hoc videlicet fuso ad viriles Ecclesiasticæ contemptum, homo hæreticus & Ecclesiastor, lectoris animum inducat atque seducat. Sic (inquit) *hodie Papista verbum Dei, quod lapides mouere posset, tanquam fabulosum rident, & audacter ferro & igni persequuntur, tantum quia fallaci Ecclesia titulo freti, Deo se posse & hominibus illudere confidunt.* Hic ut comparatio Calvini teneat, concideret illi oportet, quicquid ille & conuenæ ac sodales eius dicuerunt, Dei verbum esse; tum ita rutilans, clarum, atque resplendens hoc verbum esse, vt vel lapides illud mouere posset: tandem Catholicos non nisi fallaci Ecclesiæ titulo fuisse. Hæc nisi omnia concedas, quæ sanus concedat nemo, tota corruit futile insulsa Calvini comparatio. Pergit paulò post ut hanc suam comparisonem plenius instruam adoruct. Videmus (inquit) ut *Iudei isti sanctitatem ex verbo habere putauerint, quia orti essent ex radice sancta.* Denique Ecclesiam Dei se esse contendunt, quia originem ducant à sanctis Patribus. Quemadmodū hodie continua à Patribus successio Papistaros inflat & plusquam turgidos reddit. Talibus eos prefigijs eludit Satan, ut Deum à verbo suo, Ecclesiam à fide, argumentum gnum calorum à Spiritu separent. Sciamus ergo, quamvis cunctum carnem spurijs non sint, sed plausibili Ecclesiæ titulo vendident, nihil minus esse quam Dei filios, qui semen vite alterarunt. Nem per quascunque circumstantes ambages, nunquam tamen elabi poterunt quin hac sola iactantia effrangerentur. Non sanctis Patribus successimus: ergo sumus Ecclesia. Quod si

*Vana Cal-
uii iac-
tantia.*

*Succes-
sionu Eccle-
siastica ar-
gumentum
inaniter
impugna-
tum.*

stio Papistaros inflat & plusquam turgidos reddit. Talibus eos prefigijs eludit Satan, ut Deum à verbo suo, Ecclesiam à fide, argumentum gnum calorum à Spiritu separent. Sciamus ergo, quamvis cunctum carnem spurijs non sint, sed plausibili Ecclesiæ titulo vendident, nihil minus esse quam Dei filios, qui semen vite alterarunt. Nem per quascunque circumstantes ambages, nunquam tamen elabi poterunt quin hac sola iactantia effrangerentur. Non sanctis Patribus successimus: ergo sumus Ecclesia. Quod si

fellendis Iudeis valuit Christi responsum, non minus hodie ad istos coarguendos sufficit. Hæc est tota à Caluino instructa comparatio, qua veluti erecto, quod sequantur, vexillo suos Calvinistas ad Ecclesiasticæ unitatis & successionis contemptum bonus signifer deducat. Argumentum & vis tota comparationis hæc est: Christi responsum refellit Iudeos de patre suo Abraham iactantes, ergo & idem responsum ad coarguendos Catholicos sufficere debet Ecclesiasticam unitatem & successionem sibi-venditantes. Videamus ergo quale Christi responsum fuit. Hoc & non aliud erat (vt ex præcedentibus patet) Iudeos Abraham patrem frustra venditare, quia opera Abrahæ non faciebant, sed diaboli, quem ideo patrem habebant, non Abraham. Ut ergo contra Catholicos idem responsum valeat, inferre Caluinum oportuit, Catholicos Patrum suorum, quibus se succedere & quorum se filios profitentur, opera bona non facere, non imitari, sed opera diaboli facere, quem ideo potius patrem habent. Planè hunc in modum ratiocinari oportuit, vt Christi responsum ad Catholicos successionem Ecclesiasticam & Ecclesiæ titulum sibi venditantes coarguendos sufficiat, sicuti Iudeis de patre suo Abraham gloriabitibus refellendis idem valuit. Ac per hoc ad Christianorum virtus vitæque impunitatem taxandam, qui optimorum Patrum mali filij sunt, facit haud dubiè hic locus, valerque plurimum. Nunc autem nihil huiusmodi Caluinus infert, quum eadem scabie se ac suos fœdè maculari cerneret, nec bonorum operum causam agere, aut illorum patrocinium suscipere Caluinus soleat. Apparet nunc igitur omniumque oculis patet putida stulti hominis & insulsa comparatio. Iudei homines improbi de patre suo Abraham viro Caluini iusto ac sancto gloriari non debuerunt: ergo Catholicæ eiusdem fidei unitatem cum Catholicæ Ecclesiæ Patribus tenentes, & illis continua seriè succedentes, de huiusmodi Patribus gloriari, aut huiusmodi veræ Ecclesiæ unitatem, consortium, titulum sibi venditare non debent. Huius ineptissimæ comparationis turpitudinem, in qua nihil simile, nihil affine, nihil quod comparati queat inuenitur, vel puerò cuius per spicere facile & obvium est.

Deinde in hac sua fictitia comparatione quam multa futi- Cauilla liter effutuit Caluinus! Deum (inquit) à verbo, Ecclesiam à Caluini fide, regnum cœlorum à Spiritu separant. Respondeo, Catholicæ unitati. Ecclesia quærere; non Ecclesiam à fide séiungere, sed veram fidem

fidem in sola Ecclesia tenere; denique non regnum exhorta
 à Spiritu diuellere, sed per opera Spiritus, opera gratiae, ad
 gnum cælorum contendere. Caluinus & Caluinistæ illi sunt
 qui Deum à verbo separant, quando verbū non à Deo & nō
 Deus instituit, sed à suo cerebro suisq; adinuentioribus co-
 quirant: qui Ecclesiam à fide sciungunt, quia non in Ecclesi-
 met fabricare volunt: denique regnum cælorum à spiritu longis-
 simè diuellunt, quia ad regnum cælorum consequendu-
 opera digni Spiritus nihil est deesse, solam diuinæ beneficen-
 tiae fiduciam & præsumptionem cum perpetua vita turpe-
 dine coniunctam sufficere docent. Rursum hoc in hac com-
 paratione maximè futile & insulsum est, quod carnalem ho-
 dæorum ab Abraham propagationem, cum carnali quidem
 à Patribus Ecclesiasticis successione comparat. Quamvis se-
 sibili Ecclesia titulo se vendirent. Ergo Ecclesia titulus pe-
 carnalem successionem à Catholicis venditatur? An alias
 Patribus successionem Catholici venditant quādum quod eis
 dem cum illis fidem tenent, & tradita ab illis de manu in-
 num Christianæ religionis dogmata concordes obseruant.
 Secundum carnem (inquit) spuriū non sunt: secundum carni-
 legitimi sunt. Ergo carnalis hic statuitur propagatio? Sed si
 oportuit eum loqui, ut aliqua fictitiæ comparationis simili-
 tudo appareret. Alioqui si propriè loquutus fuisset, tota eius
 comparatio vel à puerò ridenda appareret. Si enim sic dis-
 set, Quamvis secundum eandem cum Patribus fidem spuriū
 sunt, sed plausibili Ecclesia titulo se venditant, nihil minus
 men quādum filij Dei sunt, quia semen vita adulterarunt, profan-
 pugnantia, idēque vel à puerò ridenda dixisset. Si enim eis
 fidem cum Patribus tenentes spuriū non sunt, profanatio
 semen vita; quod fides & vera doctrina est, non adulterio.
 Enim uero ita se res habet. Idecirco nos Catholicæ Dei be-
 ficio Ecclesiam tenemus unam, sanctam, Catholicam, quia a
 Patribus successimus, & eandem cum illis fidem tenemus.
 Hæc collectio hac futili Caluini comparatione non infirmi-
 tur, sed firmaz̄e valida semper erit, nisi aut nos eandem ce-
 illis fidem non tenere, aut illorum fidem falsam ac vanam
 fuisse, id est, nullam hactenus in Christiano orbe Christiano
 rum Ecclesiam extitisse demonstretur. Porro si idēque hæc
 lectio vana est, & pro mera iactantia & stimanda, Nos san-
 cta

Patribus successimus, ergo sumus Ecclesia, quia Iudæorum illa collectio vana erat, nec nisi mera iactantia, Pater noster Abraham est, ergo liberi sumus; eadem quoq; ex causa & hæc collectio vana ac futile erit, Nobis est unus Deus, una fides, unum baptisma, unum Deum colimus, unum symbolum credimus, eadem Sacra menta tenemus, sub uno capite Christo, in uno Ecclesiæ corpore, tandem doctrinā, eundem cultum retinemus, ergo sumus vera Ecclesia, quia Iudæorum similis collectio vana erat, Nos unum patrem habemus Deum, nec sumus ex fornicatione nati, aut ab idololatris progeniti, ergo sumus filii Dei. Ceterū ut tales Iudæorum collectiones veræ ac bonæ essent, si cum carnali illa propagatione ex Abraham, & cum externa illa professione cultus Dei vera etiā pietas coniuncta fuisset, si opera Abrahæ fecissent, si Deum Patrem verè dilexissent, eodem planè modo & istæ Christianorū hominum similes collectiones veræ tunc ac solidæ erunt, quando cum eiusdem orthodoxæ fidei unitate ac puritate, & cum eiusdem puri cultus ac religionis societate, vera etiā vitæ puritas & innocētia coniuncta est, quando Patrum pietatem non secus quam doctrinam sequantur, quando Deum purè diligunt, sicut in eum sincere credunt. Hoc quia non obseruant odio & malevolentia excæcatus Caluinus, quod nuda literæ inspectio eum docere potuit, collectiones Iudæorum à Christo reiecas in Christianos impiè contorquet, qui etsi similis propositiones usurpant, non tamē similes collectiones faciunt. Hæc Caluinī hoc loco impietas & impostura à lector Caluinista ambabus vlnis recipitur, veluti validum & egregium telum contra successionis & unitatis Ecclesiasticæ argumentum, quia aut imposturam non aduertit, aut impietate delectatus aduertere non vult. Sed ea nunc utraque refuta, cauere sibi à tali impostore potest Caluinista si velit, cauebit Catholicus quia vult.

S. Amen amen dico vobis: si quis sermonem meum seruauerit, non videbit mortem in aeternum.

Obseruandum hoc loco, & propter istius calamitosi tem- Mandato-
poris hæreticos magna diligeatia obseruandum, pro- rum obser-
missionem vitæ aeternæ non secus in his verbis mandatorum uationi vi-
obseruationi à Christo fieri, idque cum magna assuerantia ta aeterna
(Amen amen dico vobis) quam aliis in locis similem promis- promitti-
tionem fidei in Christum fieri legimus. Non videre mortem tur.
aeternam, perinde esse ac videre & habere vitam aeternam,
nemini

nemini dubium esse potest; quando qui non videt mortem, necesse est vitam videat. Sermones Dei seruare, iuxta perpetuam Scripturæ phrasim nihil aliud esse quam mandata Dei opere complere, nemo quoque dubitare poterit: quando & sermo mandatum significat, & non nisi per operis executionem mandata seruantur. Iam huic mandatorum obseruationi promittitur vita æterna. In aliis huius Euangelij locis di-

Ioan. 3.36. cente Christo, Qui credit in filium Dei, habet vitam æternam;

Ioan. 5.24. Qui credit ei qui misit me, habet vitam æternam: & rursus,

Ioā. 6.47. Qui credit in me, habet vitam æternam: & adhuc semel, Om-

Ioā. 11.25. nis qui viuit & credit in me, non morietur in aeternum, promis-

tionem vitæ æternæ fidei, & quidem vni fidei, à Christo tribui obseruant diligenter hæretici. Atqui obseruare quoce oportuit, mandatorum obseruationi eandem à Christo pro-

missionem statui, tum aliis in locis permulcis, tum in illo.

Caluinus vafre hæc Christi verba ad doctrinæ fidei transfert.

Christus (inquit) *discipulis suis vitam æternam promittit, sed*

illis qui doctrinam eius seruant non secus ac pretiosum thesa-

rum. Visuros mortem negat, quia ubi animam hominis fides

viuiscat, iam mors retuso aculeo, & veneno absterto, lethale vul-

nus infligere non potest. Hæc ille: quem hæc impostura nihil

iuuabit. Nam vt demus ei de seruanda fidei doctrina veloci-

perpetuam Caluini doctrinam hic thesaurus seruatus ad vi-

tam æternam conferet. Fides enim quæ iuxta Caluinum vi-

tam æternam confert, quæ saluiscat, quæ iustificat, non est

doctrina fidei, aut illa fides qua credimus vera esse quæ Deus

loquitur, iuxta veram Catholicae fidei definitionem, sed est

illa quæ solas promissiones gratuitas apprehendit, & diuinæ

benevolentiae firma persuasio. Talis persuasio, talis fiducia

iuxta Caluinum animam hominis viuiscat, vt mortis me-

tum ac vim retundit: vnde ad illa Christi verba, Qui credit in

me, etiam si mortuus fuerit viuet; Praclarum (inquit Caluinus)

fidei elogium, quod Christi vitam in nos transfundens à morte

liberat. Atqui doctrina fidei diligenter asseruata & credita

iuxta Caluinum nihil aliud est quam historica quædam fides

quæ nihil ad iustitiam valet. Frustra igitur ad doctrinam fidei hæc verba contorquet Caluinus. Deinde quum Christus

infra hoc eodem capite dicit, Ego scio Patrem, & sermonem

eius seruo, an de doctrina fidei à Patre accepta loquitur: an

non potius dicit quod Patris sui mādata in omnibus exequi-

tur? Rursus quum iterum dicit, Si quis diligit me, sermonem

minum

Doctrina
fidei.

Fides vi-
uiscans
Caluini,
non est
doctrina
fidei.

Ad cap.
Ioan. 11.
vers. 25.

Ioan. 14.
21. 23. &
24.

meum seruabit: & qui non diligit me, sermones meos non seruat, quid aliud dixisse intelligi potest, quam quod eodem tempore dixit, Qui habet mandata mea, & seruat ea, ille est qui diligit me? Frustra ergo contra stimulum calcitrat Calvinus; & quod aperte de mandatorum observatione dictum est, ad fidei doctrinam contorquet.

§3. Nunquid tu maiores patre nostro Abraham qui mortuus est, & Prophetæ mortui sunt?

Quia Iudei increduli Christum ut purum hominem, nec nisi veteribus Prophetis meliorem, ipso vero patre suo Abraham inferiorum existimabant, propterea Christi verbis, Non morietur in eternum, de morte temporali nunquam subeunda pessime intellectis offensi, illum ipsi Abrahæ & ceteris Prophetis præferri, quorum etiam sermones seruabantur, ac nihilominus tam illi mortui sunt quam qui illa seruabant, argè tulerunt. Sic illi pro suo patre Abraham & prophetae contra Christum zelabant. Nunc similem præposterum zelum pro Apostolis, Martyribus, aliisque Sanctis contra Christum in hominibus Christianis configit Calvinus. An vero aut homines Christianos tantum in se nefas admittere, aut hoc illis scelus aliquem Scripturarum interpretem affingere cuiquam credibile est? Audiamus bellum verba. Alterum (inquit) Iudaorum vitium, quod splendore Abraham & Sanctorum Christi gloria tenebras offundere conantur. Iniquè & præpostorè faciunt quod seruos opponunt Domino. Quinetiam Abrahæ & Prophetis iniurijs sunt, dum illorum nomine abutuntur aduersus Christum. Verè ista & grauiter dicuntur. Nam, ut hic ait Calvinus, non secus ac solis fulgor stellas omnes obscurat, ita præ immenso Christi fulgore quicquid gloria est in Sanctis omnibus, evanescere oportet. Sed quid post hæc tam verè & grauiter dicta subiungeret? Mel & lac apposuit: nunc sequitur venenum. Verùm hæc quoque prauitas omnibus ferè seculis grassata est, & adhuc hodie grassatur, ut impij lacerando Dei opera, ipsum sibi quasi contrarium faciant. Velitatio hæc artificiosa est; & in genere primum declamat, ut ad speciem post descendat. Audiamus. Cœtra Sætorum culorum clausa Calvini artificiū.

Illustravit Deus nomen suum per Apostolos & Martyres: Pa-
pista idola sibi ex Apostolos & Martyribus configunt, que Dei
locum occupent. Criminationem audio, qua vix grauior in-
stitui potest. Probationem expecto. Annon hoc modo sibi ex minatio-

Dei gratijs fabricant machinas ad diruendam eius virtutem
 Hic adhuc nulla est probatio, sed veluti probati aut confessi criminis exaggeratio. Videamus quod sequitur. Quanum enim restat Deo vel Christo, si habeant Sancti quod illa prodigie largiuntur Papistae. Nec hic villa probatio, aut obiecti in genere criminis vel confirmatio vel specificatio. Expectemus adhuc sequentia. Proinde sciendum est confundi totum regni Dei ordinem, nisi longe infra Christum subsistant Prophetae, Apostoli, & qui quid est Sanctorum, ut solus ipse eminet. Nihil quam in genere declamat, ut criminis intentati gravitatem amplificet. Sed crimen ipsum intentatum non specificat, non probat. Dixit Papistas idola sibi ex Sanctis configere qua Dei locum occupent. Sed nec hoc probat, nec quem diuinum honorem Sanctis Papistae tribuant, ostendit, ut hec Santos Dei locum apud Papistas occupare lectori conficit. Accusat nebulo in genere, & atrociter declamat: nihil pressus vel probat, vel in specie designat. An forte adhuc iniquentibus id faciet? Audiamus. Nec sanè magis honorificat Sanctis possimus loqui, quam quum ipsis Christo submittimus. Verum est, nec aliter Papistae faciunt. Imò ait Calvinus. Papista autem, utcunq; sucum faciant imperitu, probos se iactando Sanctorum cultores, Deo & illis pariter iniuriam faciant. Sed quare? quod illis in sublime oneris Christum cogant in ordinem? Aliquam causam attulisse videtur, sed illam adhuc non nisi in genere. Restat igitur, ut speciem facti designet & quomodo, quibus verbis quibus factis, sic Santos in sublimis euehant Papistae, ut Christum cogant in ordinem, demonstrat Calvinus. Sequitur. Ac duplenter quidem hic peccant, quid in doctrina Sanctos præferunt Christo: deinde quod illos vestimentes Christi spolijs, eum propè sua virtute exinaniant. Hic est accusationis eius finis. Duplex peccatum videtur designari, quum nullum designet, multò minus aliquid prober. Dicit peccare Papistas, quod in doctrina præferunt Sanctos Christum. Sed in quo capite doctrinæ, aut quem tandem Sanctum, aut quo tandem modo, aut unum aliquem, aut plures, aut omnes Sanctos, Christo Papistae præferunt, nihil ait, nihil defensat, nihil explicatè notat. Rursum dicit Papistas vestimenta Sanctos Christi spolijs, idque adeò, ut eum propè sua virtus exinaniant. Sed quæ sunt illa spolia, aut quomodo Sanctis vestiantur, aut qua tandem ratione Christus per Sanctum honorem sua virtute exinanitur, nihil ait, nihil designat, nihil explicatè notat. Et ut illa omnia rotaret, nihil probat.

Hic est Caluini ludus, quo suos miseros Caluinistas ludificat, & veluti fungos & stipites inanibus verbis oblectat. Visus fuit Lectori Caluinistae & Euangelico, Papistas hoc loco egregie exceperisse, & atrocissimi criminis conuictos veluti summo odio digno traduxisse. Quam ob causam Martoratus totam hanc criminationem, duobus aut tribus ultimis membris exceptis, in suam expositionem (ut vocat) Ecclesiasticam retulit. Sed diligenter inspectus nihil nisi merum nebulonem & sycophantam egisse deprehenditur. Atrociter enim & prolixè accusans, nec crimen aliquod in particulari designat, nec eius, quod in genere declamat, ullam vel uno verbo probationem ad fert. Atqui hoc scribendi genere facile cuius sorret, quo suis seu innocentissimos, seu eruditissimos, seu etiam illustrissimos vitos, criminatione generali instituta, cuius nec probatio ad fertur, nec species designatur, multis paginis traducere, accusare, & de quovis atroci flagitio, de qualibet crassa ignorantia, de quolibet ignobili & pudendo facinore suspectos reddere. Sed Caluini pruritus aliter leuari non potuit, nisi quoquo tandem modo in hanc Ecclesiae petram porcus impetiginosus dorsum suum affricaret.

IN IOANNIS CAP. IX.

6. *Exsput in terram, & fecit lutum ex sputo, & limuit oculos eius, & dixit ei: Vade, laua in natatoria Siloe, quod interpretatur, missus.*

Sicut Calvinus, solentque alij hodie haeretici Sacramentorum nouæ legis effectus quem ex verbo Dei cum veteri Ecclesia in illis agnoscunt Catholici, hoc maximè nomine reprehendere ac reuicere, quòd hac ratione nescio quam latenter virtutem in ipsis elementis & creaturis ponimus, & (ut scribit alibi Calvinus) *bac superstitione miseris hominum mentes alligamus, ut in spectaculo rei corporeæ potius quam in Deo ipso acquiescant.* Atqui idem Calvinus hoc tam illustri facto Christi admonitus, ubi tam variis adhibitis creaturis per eas maluit visum cæco dare, quam solo diuinæ suæ voluntatis verbo, aduertere potuit hunc modi creaturarū visum, nec superstitionis causam esse, nec à Deo homines abducere, sed contrà Dei potentiam maximè illustrare & religionis incremento subseruire. Sic enim ad hunc locum scribit. *Negat in luto, neq; in aqua Siloem quiequam ad sanandos oculos fuisse.* c. 9. I. an.